



## Publicaziuns dalla vischnaunca, jamna 20

### Votaziuns federalas ed elecziuns cantunalas

L'urna principala en casa communalas ei aviarta sco suonda:

**Sonda, 17-5-2014, 18.30–19.30**  
**Dumengia, 18-5-2014, 9.00–11.00**

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton sil pli tard entochen venderdis, ils 16 da matg 2014, allas 17.00, tier l'administraziun communalas (tel. 081 920 36 36).

### Levgiament da votar

Mintga votant(a) ha la pussevividad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar suttascret en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communalas saveis Vus tarmetter cun posta (supplicau da francar) ni directamein fierer en la scaffa da brevs dalla casa communalas.

Ils cedels da votar ston esser sil pli tard la sonda, ils 17 da matg 2014 allas 12.00 tier l'administraziun communalas. Il certificat dil dretg da votar ei da suttascriber. Senza Vossa suttascripziun cun agen maun ei la votaziun nunvaleivla.

*Suprastonza communalas Disentis/Mustér*

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou suandonts projects:

**Nr. 2014 – 2038.000**

gomas e Corina Staubli, Via Sut Baselgia 8, 7180 Di - sentis/Mustér; lavurs da manteniment e da contuorn, parcella 2424, Via Sut Baselgia 8, 7180 Disentis/Mustér.

**Nr. 2014 – 2039.000**

Claudio Deflorin, Dorfstrasse 74, 5417 Untersiggenthal; seiv sin parcella 3403 a Caprau, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastonza communalas.

Disentis/Mustér, ils 12 da matg 2014  
*Uffeci da baghegiar Disentis/Mustér*



### Lubientscha da baghegiar

L'istanza da baghegiar ha concediu suandonta lubien - tscha da baghegiar:

**Nr. 2013 - 1002.000**

Claudia Younes, Via Alpsu 17, 7180 Disentis/Mustér e Reginalda Castelberg-Beer, Büelstrasse 22, 5426 Lengnau AG; quater parcadis sin parcella 690, Via Alpsu 17, 7180 Disentis/Mustér.

Disentis/Mustér, ils 12 da matg 2014  
*Uffeci da baghegiar Disentis/Mustér*

---

### Project «embellaziun, signalisaziun ed informaziun» – Referendum

Il cussegl da vischnaunca ha en sia seduta dils 11 d'avrel 2014 concediu in credit da frs. 350 000.– per il project d'embellaziun, signalisaziun ed informaziun. Il credit ei tenor constituziun communal vegnius suttamess al referendum facultativ. Enteifer il termin fixau ei vegniu inoltrau in referendum, aschia che quella decisiun vegn suttamessa alla votaziun all'urna.

Per presentar il project d'embellaziun, signalisaziun ed informaziun organisescha la suprastonza communal **venderdis, ils 6 da zercladur 2014**, allas 20.15 en halla Cons ina sera d'orientaziun e discussiun. Sper la presentaziun dil project vegn monsignur avat Vigeli Monn a presentar ils projects en connex cun il giubileum da 1400 onns claustra benedictina.

Ils 15 da zercladur 2014 ha il cantun fixau in termin da reserva per in secund scrutini per l'elecziun dalla Regenza cantunala. Corrispondentamein ha la suprastonza communal fixau il termin da dumengia, ils 15 da zercladur 2014 sco datum per la votaziun communal.

*Suprastonza communal Disentis/Mustér*

---

### Serrada dalla Via Run e sendas

Muort lavurs da transports da lenna cun suga egl uaul Run vegn la Via Run serrada naven dils 28 d'avrel entochen ils 30 da matg 2014 mintgamai ils luverdis dallas 6.30–18.30 per tut traffic. Era la senda sil tschancun da Davos Casti entochen Plaun Panazauns ei serrada duront quei temps.

Nus supplichein da prender enconuschientscha da quest avis.

Bien engraziament per la capientscha  
*Uffeci forestal Disentis/Mustér*

---

### Administraziun communal e survetschs technics – Informaziun

Muort in arranschament intern resta il spurtegl dall'administraziun communal serraus **venderdis suentermiezdi, ils 23 da matg 2014**. Era ils survetschs technics porschan quei suentermiezdi buca lur survetschs.

Bien engraziament per Vossa capientscha.  
*Direcziun communal*



### Controlla da habitonts

#### Naschientscha

Elina Maria Jacomet, naschida ils 4 da matg 2014, feglia da Luzia e Hubertus Jacomet-Frey

Roman Gadola, naschius igl 1. da matg 2014, feagl da Therese Burri Gadola e Richard Gadola

#### Mortori

Claudia Levy-Soliva, naschida ils 13-1-1923, morta ils 10-5-2014

---

### Gruppa da teater Mustér

Cars affons e giuvenils. Bugen communichein a Vus che nus essan sedecidi da fundar a Mustér ina **gruppa da teater cun affons e giuvenils**.

Tut tgi che ha interess da giugar teater ei cordialmein envidaus da s'annunziar tier Christina Bundi-Cabalzar, Via S.Gions 2, 7180 Disentis/Mustér, tel. 081 947 52 81, e-mail [info@corsinbundi.ch](mailto:info@corsinbundi.ch).

Bugen dundel sclariment e selegrel sin bia annunzias da pigns e gronds futurs teatrists.

Cars salids  
*Vossa Tina*

---

### Apparats d'udida

**Gliendisdis, ils 26 da matg 2014** saveis Vus schar schubergiar e regular Vies apparat d'udida el Center da sanadad Sursassiala SA a Mustér, Via Cons 11, naven dallas 14.00–16.00. L'uniun Pro Audito Cuera, cun signur Arthur Jacomet fa quei survetsch per tuts interessents gratuitamein.

Cordiala invitaziun  
*Center da sanadad Sursassiala SA*

---

### Societad da musica Disentis/Mustér

#### Concert Primavaun/Giubileum 40 onns tamburs

La Societad da musica Mustér envida cordialmein al concert primavaun 2014 ed al giubileum da 40 onns tamburs.

**Cu: sonda ils 24-5-2014 e dumengia ils 25-5-2014**

**Nua:** halla Cons

**Cu:** la sonda allas 20.00 e la dumengia allas 14.00

**Direcziun:** Aluis Hosang, Martin Bass

La sonda suenter il concert envida la Societad da musica Mustér ad ina stiva da caffè per in e scadin. Entrada libra, collecta. Ei fa plascher d'astgar beneventar Vus a nies concert.

*Mira inserat dilis 23-5-2014*



### Uniun da dunnas

**Devoziun Marianna.** Ils **29 da matg 2014** ha liug sin claustra en baselgia da Nossadonna la devoziun Marianna.

In cordial beinvegni fa uniun da dunnas cun la menadra dalla devoziun Martina.

---

### Ludoteca Disentis/Mustér

**8avel di naziunal da giugs, sonda, ils 24.5.2014,** dallas 13.30–16.30 giugs en ludoteca ed entuorn la halla Cons tier il tema aua. Spezial: Fontauna da giavischs!

Cordialmein envida  
*il team dalla ludoteca disentis/mustér*

---

### Uniun fallun e cascharia Disla/Mustér

**Sonda, ils 31 da matg 2014** ha liug a Disla/Mustér «Il di svizer dils mulins». Nus mussein bugen a vus la cascharia, la resgia, il fallun, il niev restaurau mulin da graun vegn mess quei di en funcziun ed era il talèr.

Plinavon mussein a vus las novas rodas d'aua per la resgia sco era il fallun. Ins sa era gentar tier nus.

A tuts in cordial beinvegni  
*la suprastonza*

---

### Biblioteca populara Disentis/Mustér e contuorn

#### Bursa da brat

Nus essan buca mo ina biblioteca cun medias actualas, nus essan era ina bursa da brat per maletgs da Panini.

**Cura: gievgia, ils 22 da matg e gievgia, ils 5 da zercladur 2014,** mintga gada dallas 16.00 entochen allas 17.30.

**Nua?** Biblioteca populara Disentis/Mustér e contuorn casa da scola Cons, 7180 Mustér.